

На хвалитех стихиры октоиха – 5.

И ТРИОДИ СΙΑ, САМОГЛАСНЫ, ГЛАС 5:

6. Стих: Хвалите Его в кимвалех доброгласных, хвалите Его в кимвалех восклицания, / всякое дыхание да хва́лит Го́спода.

Увы мне, Адам рыда́нием возопи́, / яко змий и жена Божественнаго дерзновения изри́нуша мя; / и райския сладости древа сне́дь отчужди́. / Увы́ мне, не терплю прочее поноше́ния; / иногда царь сый земных всех созданий Бо́жиих, / ны́не пленник явихся от единого беззаконнаго сове́та; / и иногда́ славою безсмертия облече́н сый, / умерщвления кожу, яко смертный ока́нно обношу́. / Увы́ мне, кого рыданий соде́йственника сотворю́? / Но Ты́, Человеколюбче, от земли Созда́вый мя, / во благоутробие оболки́йся, // работы вражия свободи́, и спаси́ мя.

7. Стих: Исповемся Тебе, Господи, всем сердцем моим, / повем вся чудеса Твоя.

По́прище добродетелей отве́рзеса, / хотящии страдальчествовати вни́дите, / препоя́савшеса добрым поста́ подвигом: / зако́нно бо страда́льчествующи, / праведно венча́ются. / И воспри́мше всеору́жие креста́, / вра́гу сопроти́вимся, / яко стену нерушимую имуще ве́ру, / и яко щит молитву, и шлем милостыню, / вместо меча пост, иже отсекает от сердца всю злобу. // Творяй сия, истинный примет венец от Всецаря Христа в день судный.

Глас 6:

8. Стих: Возвеселюся и возрадуюся о Тебе,/ пою
Имени Твоему, Вышний.

Адам из рая отгонится,/ пищи причастився, яко преслуш-ник;/ Моисей Боговидец бысть,/ постом очи душевныя очистив./ Темже рая жителие быти возжелевше,/ изменимся от неполезныя пищи,/ и Бога зрети желающе,/ Моисейскую четверицу десятиц постимся,/ молитвою и молением чисто терпяще;/ утолим душевныя страсти,/ отженем плотския сласти,/ легцы к горнему шествию преждем,/ идеже ангельстии лица немолчными гласы Нераздельную воспевают Троицу,/ зрети недоуменную доброту и Владычню./ Тамо сподоби нас, Сыне Божий Жизнодавче/ на Тя надеющихся,/ ликовати со ангельскими воинствы,/ рождшия Тя Матере, Христе, молитвами, // и апостол, и мученик, и преподобных.

9. Стих: Воскресни, Господи Боже мой, да вознесется
рука Твоя,/ не забуди убогих Твоих до конца.

Приспе время, духовных подвигов нача́ло,/ на демоны побéда,/ всеоружное воздержáние,/ ангельское благолéпие,/ к Богу дерзновéние:/ тем бо Моисей бысть Зиждителю собесéдник,/ и глас невидимо в слúхи прият./ Господи, тем сподóби и нас/ поклонитися Твои́м страстем, // и святому воскресению, я́ко Человеколюбец.

СЛАВА, ГЛАС ТОЙЖЕ:

Приспе время, духовных подвигов нача́ло,/ на де-
моны побéда,/ всеоружное воздержáние,/ ан-
гельское благолéпие,/ к Богу дерзновéние:/ тем бо
Моисей бысть Зиждителю собесéдник,/ и глас неви-
димо в слúхи прият./ Господи, тем сподóби и нас/ по-
клонитися Твои́м страстем, // и святому воскресению,
я́ко Человеколюбец.

И НЫНЕ: ГЛАС 2:

Преблагословéнна еси, Богородице Дéво,/ Во-
площшим бо ся из Тебе ад плени́ся,/ Адам воз-
звáся,/ клятва потреби́ся,/ Ева свободи́ся,/ смерть
умертвися, и мы ожихом./ Тем воспевающе вопиём:/
благословен Христóс Бог, // благоволивши тако, сла́ва
Тебе.

Славословие великое и отпуст.

**На первом часе стихира евангельская. На часех Слава:
тропарь воскресен, И ныне: Богородичен. По Трисвя-
том кондак Триоди.**

НА ЛИТУРГИИ,

блаженна гласа, на 6, и от канона Триоди песнь 6-я, на 4.

По Входе, тропарь воскресен гласа.

СЛАВА И НЫНЕ: КОНДАК ТРИОДИ, ГЛАС 6:

Премудрости Наставниче, смысла Подáтелю,/ немудрых Наказáтелю,/ и нищих Защи́телю,/ утверди, вразуми сердце мое, Влады́ко!/ Ты даждь ми слово, Отчее Сло́во,/ се бо устне мой не возбраню́, // во еже звати Тебе: Милостиве, // помилуй мя па́дшаго.

Прокимен, глас 8: Помолитесь и воздадите Господеву Богу нашему.

Стих: Ведом во Иудеи Бог, во Израили велие Имя Его.

Киноник: Хвалите Господа с небес: